



UPA 2014-101
6. maj 2014
Juliane Henningsen

Tupat puuni tamani 1. juni 2015-imiit mianersoqqussutinik assitalersuisoqartalernissaa suliareqqullugu Naalackersuisut peqquneqar-nissaannik Inatsisartut aaliangiiffigisassaattut siunnersuut.
(Inatsisartunut ilaasortaq Kristian Jeremiassen, Siumut)

Ullumikkut isumaqatigiittariaqarpugut pujortartarnej sakkussat tamaasa atorlugit akiorniarlugu, qulakkeerniarlugu inersimasut siunissami maligassiuisuussasut, ullumikkormi inersimasut 100-ngaangata 66-it pujortartarput. Tamanna maligassiunerungilaq.

Siunnersuummut, cigaretsit puuni assitalersuinikkut paasititsiniaallunilu sunni-niarnissamik siunertaqartumut isumaqataavugut. Taamaattumillu siunnersuutip siunertaa isumaqatigaarput.

Isumaqataavugut pissutigalugu suli takusaratsigit meeqqat allaat pujortartut, naartusut naartumik silaannarmik pinissaraluannik arsaarlugit – ineriartor-luarnissaat innarlerlugit pujortartut.

Soorlu ukiarmi nappaassuaq kræfti maani inimi eqqartoratsigu, tamatta ilisimasarput tassaavoq kræfteqalersartut amerlaqisut pujortarnej pissu-tigerpiarlugu.

Nunarpassuit misilittagaqarfigilereerpaat cigaretsit puunik assitalersuineq, aamma ilisimaneqarpoq atuisunut, atuisuunngitsunut meeqqanut inuusut-tuaqqanullu sunniuteqartartoq.

Tamatuma saniatigut isumaliutigineqalersimasoq, tupat puui - qalipaateqan-ngitsunik pilerisaaruteqanngitsunik pappiliartalerneqarnissaat aamma soqutigi-narpoq piumasaqaatinut ilanngutissallugu.

Qujanartumik pujortartartut ikiliartorput, sulilu ikiliartornissaat anguniassagipput isumaqarpugut.

Nunat siuarsimasut isiginiartigit. Allaat nunatut pujortarfiunngitsutut imminnut anguniagassissimasut.

Siunnersuut toqqammaviatigut taperserparput, Naalackersuisullu pilerisaarutaat ilalerlugit.